


Episcopus Culmensis

Thronensis Collegii s. p. Sagittae Diatymiae

cursum.

PANEG. et VITAE
Polon. Fol.
№ 239



SAGITTÆ
DZIAŁYNIÆ
CVRSVS

QVEM

ILLVSTRISSIMVS AC REVERENDISSIMVS
DOMINVS

D. GASP A R

A

DZIALIN

DZIALINSKI

DEI GRATIA

EPISCOPVS CVLMENSIS
ET POMESANIÆ.

In auspiciatissimo Cathedræ suæ aditu felicissimum
obtinuit.

Publicâ exceptus lætitiâ

A

Collegio Thorunensi SOCIETATIS IESV.

POSNANIÆ,

In Officina ALBERTI REGVLII Anno Domini 1640.

K.

Sagitta salutis Domini.

4. Reg: 13.



In lucem iacula Tva ibunt: non in occultū, sed
in manifestum verba Tva mittentur.

S. August: lib: 18. de Ciuit: cap: 32.

AD
ILLVSTRISSIMVM
AC
REVERENDISSIMVM
DOMINVM
D. G A S P A R V M
A
D Z I A L I N
D Z I A L I N S K I
EPISCOPVM CVLMENSEM
ET POMESANIÆ.
PROFASIS.



*T*ernionem rerum difficilium numeravit diuinioris Antistes Sapientiæ, qui inuias post se relinquit vias ILLVSTRISIME ac REVERENDISIME DOMINE. At huic ego enitente in altum Sagittam cogor addendam fateri, cum gentilitiam Tuam Sagittam, ad sacri honoris metam felicissimè pertingentem, cothurnato insequi gressu contendo. Quæ cum in reliquo virtutum cursu pernicissima semper, lucidissimæq; præierit, in pertingendo sacræ tiaræ scopo obtutus omnium elusit, dedocla præter morè, festinare. Quanquã hîc quoq; festinantem quis, & radiantem agnouerit; quodd ad natium virtus lumen maximè fulgeat, præcipitiq; ille cursu ultra communem hominum sortem rapiatur, qui in stadio probitatis Gy-ganteos figat passus, testudineos in honoris. Ambitiosa dudum spectabat sacrum Caput hereditaria Præsulum Culmensium, & Pomesaniæ mitra, quod coronaret: corona audire fastidiens, nisi tam alto vertice fulciretur. Tediøsus nutabat pontifica-

lis Lituus, non inueniens quâ suscitari dexterâ tutò posset; ver-
sus penè in auguralem, quò certam abreptâ aliquando Sagittâ
Tuâ viam posset ominari. Aspirabat orbata Ecclesiâ Tuâ sa-
cer senatus, aurâsq; suspirijs geminabat. Sed enim desideria
omniû protrahebas, ut aestuare doceres magis. Volebas odura-
re solitudine prius pastoralis Caput, lenius posthac ab Infula,
quàm vel Diui olim Nicelij, ambiendum: Et quemadmodum
Reges ensi prius assuefaciunt dexterâ, quò facilius postea scep-
trum ferat; ita Tu bella prius Domini exercituum promouens,
robustam Lituo manum obsirmasti. Foris prius sentiri Præsul
cupiebas, quàm vocari domi: optimam secutus partiendi mu-
neris Tui rationem in timorem, Et amorem. Et ut latiore pro-
grederere viâ ad principem Ecclesiâ Tuâ Cathedrâ, Sacris eam
prius meritis ampliasti; sciens honori illa demû calcanda securè
notari vestigia, quæ rectè prius facta prætriuierint. Nisi dice-
re magis libeat, in Pontificem Te ritu sacratione inauguratû, ita
profana auersatû omnia, ut Et ad Pontificale solium adeundum,
sacrum expectares cliuuium, quem eximia virtus Pontificia in-
sterneret. Ut ut tamen est, dum absolutam satis virtutem, di-
utius erudis ad nomen Episcopi non inane, optatissimumq; adue-
tum Tuû Sacro facis Collegio Tuo ambiguum; illud longiore tæ-
dio affecisti; nos verò, primum Aduentum Tuum, concepta du-
dum Animis, gratulandi potestate, debita obseruantia tesserâ,
penè spoliasti. Famam etiam ipsam (nobis inuidentem) nactus
nimium ambigendo ancillarem. Quare dabis veniam ILLU-
STRISSE AC REVERENDISSE DOMINE, si sacro
Tuo honori, non eam adornamus appreciationem, quam Et Tua
Amplitudo Et nostra desideria exigerent, sed innati Symboli Tui
Sagittam, ad capeffenda Præsulatus iura lentè festinantem, de-
properatâ letitiæ explicatione propellimus. Rati hanc officij
nostri partem eâ excipiendam fronte, quâ sacras illustrari mi-
tras plurimos in annos exoptamus.

Illustrissimæ TVÆ Celsitudinis
Deuotissimum

Collegium Thorunense Societatis IESV.

O R A T I O.

ID, quod ipso dicentium vsu facit aliis ad diducendas Mecœnatum laudes, vt difficultatem dicendi initio fateantur, mihi in Tva ademptum Panegyri est ILLVSTRIS- & REVEREND: DOMINE. Agnam enim noscens literarum sagittam, natiuū Tvvm decus, tam profiteri video turpe nescire Tvas laudes, quàm vel primâ discētibus rudimenta Apollinem. Ipsum quippe Tē Naturæ præfagium Scientiarū Præfidi longè ante copulavit; seu quòd tum iam suum Apollo cognosceret; seu quòd eam præuideret Virtutem Tvam, quæ Scientiarum posset quandoq; conatus non difficile fatigare. Adeo scilicet facilis obuenit mihi laudandi Tvi ratio, vt vel ipsam difficultatis excusationem restitutā sentiam cum aliis, quàm ereptā modo, præ aliis dequerebar. Præterquàm quòd adoptiua aliis volētibz succedat sæpe infantia; mihi à Delphico afflata oraculo, vnde facundia merito sperabatur. Nam cum multorū encomia molli decantare barbitō, & vno ludere digito Phæbus nōrit; Tvam in altū gloriæ Sagittam vt prouehat, plenā dextera, & validissimo iactu opus habet. Sollicitare nihilominus Apollinem placuit, vt gentilitiam Tvam Sagittam ILLVSTR: & REVEREND: DOMINE, ad sacri honoris metā felicissimè pertingentē, vel à longē

B

seque-

sequeretur, tendentiq; Zephyros faustissima ap-
precatio geminaret. Quanquā, cū intima ani-
mi gestientis vota hæc sint, disita non audeā di-
cere: desiderijs namq; nil remotum, nil inuiū te-
statur, amore idē, & sagittā potens DEVS. Atquē
si Diuinam illam penē eiusdem vim complectar,
quā vibrabiles in totius Sarmatiæ hemisphærium
exerit radios, Apollinis longē, Dianæq; sagittis, et-
si non obscuris Poëtarum commentis sat luceant,
pulchrius radiabit. Cœlestibus adnumeratum si-
gnis, Inmen addere, & stationes Soli voluit Anti-
quitas Sagittarium: arcanam vt hoc symbolo effi-
caciā lucidissimi Mūdi oculi designaret, qui, quan-
tūmuis remotas, plantarum, herbarumq; radices
penetret, & ad incrementa promoueat, occultissi-
mosque rimatus terræ finus, rudes glebas pretioso
partu sobolescere faciat in metalla. Splendidum
hoc omen Tuo debebatur illustrissimo Sagittario;
qui iam inde, vnā cum surgentis Lechici nominis
gloria, toto est imperio latissimē peruagatus, in
splendore fulgurantis hastæ Tuæ. Quidni enim
hastam merito dixerim gentilitiū Sagittæ Tuæ de-
cus, quod ad tantam gloriæ plenitudinem adole-
uit? Nulla est Poloniæ pars, nulla vastissimi hu-
ius Imperij tam minuta portio, quæ perniciosissimo
laticlauis huius Prosapiæ cursui non patuerit; iu-
re vt potiori Działyński possit gloriari Sagittarius,
quā Tamerlanis. via his quacunque patebit.

Quodsi

Quod si arctiorē incuset quilibet Sarmaticæ dimensionis arcū, quē vna hæc, variis licet intentū accessionibus finiū, Sagitta emetiatur, ille velim videat, quā celerrimē, non vnus duntaxat Sarmatiæ, sed orbis totius limites prætergressa, Cœlos petat. Quod enim Lechici triones nouum affulgere sibi iubar lætentur, quod inter sua numeret Hyacinthū sidera, huic Illustrissimo Sanguini Cœlum debet. Nequē vnus solūm Hyacinthi amabile lumē Olympo inseruit; sed tot æthram, quot Patriam ante fulgoribus cumulauit. Frustra furaces iactes Promethee, Poëtarū exsufflatos ingeniis, ignes, hominē vt vitā animas: cœlesti penē dono vitalis incēdii decus Lechicis se Terris effudit, splendido vna, & aureo diluuiō. At non trabeatus aliquis vstor Nero feralem Poloniæ subdidit facem; non iratum depluit missiles Sarmatiæ Cœlum Sagittas ad exitiū, sed quicquid sunt demum superiorum qui Regnum hoc æternū incolumē velint. Quirinalem olim dequesti quirites imbrem, cum Sagittis grandinans aër, eliquaretur in sanguinē, furoris vna & interitūs Romæ depluens diluuium: nobis veró tum demū Salus Patriæ, tum augmentum, tum ornamentum, benigno decidua cœlo venēre, cum his liberaliter Sagittis pluit. Fatendum tamen est, non ex voto omnibus imbrem hunc sagittiferū accidisse. Sensit Borysthenes, sensit Ister, sensit Tyras eius mi-

nas, efficacius quàm Hellespontus Xerxis imperium, cum pro vnda eos sanguinẽ fluere doceret; & armatas Osmannicæ tyrannidis procellas cognato sanguine temperaret. Sensisti sudermanice prædo Sagittæ Działyńiæ pernicitatem simul, & gravitatem: sensissesq; melius, nisi ranarum, muriūq; in Prussia munera (quæ caduceator olim Scythicus Dario obtulerat) Sagittæ prætulisses: quin auem quoque gallicā, & hollandicā liberalitate munerū accremento apponens, in Germaniam auolāsses! Non quò facilius ad exitium pertigisses: sed quòd dignum tantæ in Polonia impietati nusquam bustum superesset. Habes Antistes ILLUSTR: Quirim TVAM hostico satis sanguine purpuratā, quiescentis eam substerne Capiti Borussiae; Terram nunquam contigit, amorẽ feret. Et quiescentem ego eam libens dicam aduentu Tuo ad orbatum & ipso sagittifero moderatore Præsulatum: non lethæo gaudens Prussiae sopore, quo dudum obruta, vtinam euigilaret aliquando; non á domesticis dicens quiescentẽ tumultibus, quibus suā sibi ciere non satis destitit perniciem; sed, quod cruore incantatis humano tribuit nonnemo sagittis, dormientibus subiectas, philtrum amoris, & concordiaẽ ferre; idem TVA ego Illustrissima video in Sagitta, virgam velut Mercurij spondente, laurū vnā Præsuleæ Tuæ Mitiaẽ nexurā, & oleam. Ita fiet, vt coronata Sa-

gittis

gittis Prussia, sublime circumferat cap ut, amabile suis omnibus, hostibus formidandum. Vano id sibi Æthiopes quandoq; omine pollicebantur, sagittis ad bella coronati prodeuntes, quò & oculos hostium timore sauciarent. TVAM Illustrissimam Prosapiam, quæ etsi Augustam Regni Coronam semper ornauerit, imò (si verè censuit Seneca, venustius Regū capita salubribus consiliis, quàm auro coronari) coronari instar ornamenti Reipublicæ fuerit. Hanc, inquam, tamen Illustrissimā stirpis Tuæ seriem suam nouit Prussia vel maxime coronam esse. Cuius cum illustrissimi Prusici satrapæ Fratres Tvi, circulum absoluant perfectissimum, splendorisq; radios, Tv, Pontificia radians tiarā, quid dicam? nisi supremum diadematis huius ornamentum vnā, & præsidium addidisti, Sagittam docilem commutans cruci. Intenta neruo quotiescunq; arcui incumbit, Sagitta, ad scopum dirigenda, ipso Naturæ artificio perfectam crucis figuram exprimit: miro quodā fædere minas iungens solatio, asylum periculo, cuspidem cruci: vt quantum parte ab vna terroris oppositæ inferat aciei, tantum fiduciæ ab alia, rectè si spectetur. Minax vnā, & salutiferū hoc pignus auitæ virtutis Maiorum Tuorum, nunquam non Illustrissimorū est ILLUSTRISSE & REVEREND: DOMINE, ex qua, Cydonia aplius fertilitate, Apolline avelut è pharetra, prodiere viri, quā Religionis zelo, quā For-

C

titudine

titudine celeberrimi : sacro, civili, bellicoq; semper honore, non ad fastidium virtutis, dignissimi. Hoc impleti rerū à Maioribus Tuis præclare gestarum gloriā fasti Poloniæ, hoc hæreditariæ penè, Culmensis, Pomeranæ, Dobrzynensisq; oræ satrapiae, multis à sæculis Amplissimo Tuo Generi; hoc cōtracta cum Nobilissimis Familijs, Zamoysciorum, Sangusciorum, Tarnouiorum affinitas, orbi, me tacente, loquuntur. Vt de arcu Poloniæ, his animato Sagittis, Gratiani nunquam ostenta hostibus euenerint, euenturaq; sint, quantumlibet sibi somnia fingant. Quin illud hic quoq; mutandum erit sapientū effatum, arcum intentum facile rumpi cū Sarmatici robur nerui continuā huius Sagittæ intētionē sumat vires. Verū hoc Tuo in vnus expressum legimus Nomine Præsul Illustrissime, de quo Sacræ, profanæq; Politicæ contētio multa fuit; nisi vincere vtramque, quā alterutram magis decuisset. Euibrata toties Quiris Tua acutissima, ad statam velut metam, ad quam per submissa Caduceatorum suffragia publicæ incolunitatis consilia collimarēt, præsentissimā semper Reipublicæ salutē, tutius, citiusq;, quā suo Cæsariana Ciceroni attulit. Illa verò, quæ supremam propè in hoc Regno obtinuit auctoritatem, grauissima iudicandi ratio, quæ ex omnibus Regni satrapiis confessum Iudiciū habet lectissimū, quid, præter depulsam ab hominibus calamitosi

malè

male potentium insaniam? vindicatam iniuriam?
erectam, per Te, Iustitiam proclamet? Accusaue-
rit illa sane Gylippi noctuas, apud aliquos in infi-
dijs latitantes, quæ lumē suū incestauerint; dequera-
tur Darij Sagittarios, quibus se pulsam suā statio-
ne, vt Asiā potiundā Agefilaus, lamētetur: huius
acies Sagittæ erat subtilior, quā, vt auro posset
hebetari. Ergo tantis sublatā velut pennis, quibus
ad altum honoris culmen, non iam cursu pernici
eniteretur, sed deucheretur volatu, metas habere
cæpit, quibus infingeretur, penē præuolātes. Quan-
quam dimidiatā cum fulget metā, ostendit clarissi-
me eam se esse, quæ quocūq; tandem constituta
loco, quemcūq; directā ad terminum esset, For-
tunam sibi ipsa factura videretur. Sed nimirum,
hoc semper magna habet virtus, vt cœlestis memor
originis, celsa petat, terrenis ægrē angustis tene-
atur. Romanam elegisti urbem, orbis caput, quæ
Sagittæ Tuæ victrici Thyrsū daret; quō coro-
nata, nihil reliquū petens infra Solis metas, signa-
ret ad astra vias. Ex quo enim feracissima illa san-
ctimonix manu, æternum sacri honoris diadema,
fronti meritissimæ impressū magis, quā impo-
situm accepisti, defixos in Te obtutus auertisti o-
mnium, spectantium, quorum Ductor vigilantissimus
esse deligeres populorū. Et licet vicariā Christi dex-
terā, ac maiore quasi suffragio Diuinus Mystes
inauguratus, vnam illam orbis totius Antistitem,

Vaticanæ

Vaticanæ splendorē fefelleris Basilicæ, ad iurarū
quærendi honoris hostem Te recipiens, Tuæ mini-
mæ Societatis Religiosum Templum, sacris inibi
primūm operaturus; nihilominus tam potenti in-
tenta manu non frustra Sagitta est, neq; humiliorē
spectare potuit terminū, quā sacri soliū Præsula-
tūs. Pontificē Te iam inde publica vouebat salus;
Pontificem emerita creabat virtus; Pontificē vna
omniū consensio agnoscebat; vnicū Tvvm tædio-
se expectans suffragiū, Pontificē vt vocaret. At e-
nim concordia non nihil morabāre vota; salutare
fortunam mallens, quā prensare; facillimū ra-
tus honoris adijcere nomen Animo, ad honorem
optimē præparato. Fatis scilicet ita benignē agē-
tibus, vt, quoniam intenta ad validiorem iactum
Sagitta Tva Cœlos petitura videretur, illis potis-
simū ductrix notaret vestigia, quibus aditus Cœ-
li maximē inuius videretur. Arcum, directā Cœ-
lum versūs Sagittā armatū, Paullus Sforcia Mar-
chio Carauatii præferebat prudentis consilii sym-
bolum, hac acutā epigraphæ illustratum. sic itur
ad astra. etenim galeam ille in infulam; ensēq;
in lituum Pontificium commutārat. Omen hoc
erat Antistes Illustrissime, cuius auspiciatissimus
euentus Tibi seruaretur. Latissimis iam sæpē præ-
currēs vestigiis laudē aliorū bellicā agnat⁹ Tibi Sa-
gittipotēs, nō verbis, sed re ipsa ostēdit. Sic itur in
hostem. Nec defuere, qui altissima ē Pontificatūs

specula

specula monitrent hodieq; iuper altra viam tuti-
simā: sed vtilius id muneris præstandi Tibi copia
soli debebatur; qui ipsā Iouis lucidiūs, & efficaci-
ūs Sagittā, Cimmerijs hæresum tenebris intona-
res. Sic itur ad astra. Vt meritō dimidiūs ille an-
nulus, Sagittæ T V, Æ subditus, non aliud præ-
notasse videretur, quā habiturā quandoq; Prussi-
am eum Pontificē, qui erraticos ab Orthodoxæ fi-
dei vnitatē multorū animos sibi, Deoq; restituens,
efficeret, vt hians deficientis annuli lacuna exple-
retur, plenūq; coiret in orbē. Hoc nos Præsul ILLV-
STR: Tibi, hoc sibi per Te ora Culmen sis, imō Sar-
matia tota vouet, hoc desideriorū tessera Sagitta,
Sertorij, Scyluriq; manipulo firmior, iure spōdet.
Exampæū barbarici Regis Arianthæ magnanimus
ahenū cape, tot illustrissimarū conflatū acumi-
bus Sagittarū: non quō impletū thracico, suderma-
nico, bistonioq; cruore libes, lautissimā orco vi-
ctimā; sed delphicū velut tripodē, è quo Diuino
vates oracula Borussiae pandas ad salutē. Carpe
auspicatus sacri iura honoris; promoue auspicati-
or; perfice auspicatissimus. Nī illa inuidens o-
ptatis, aurā, precēs dissipet; quæ hac à ripa ZA-
DZIKOVIANAM Argonauim rapiens, vno tra-
natu, vno remi iactu, non tam superatis, quā
prætermisiss Oceani infinitis iugis, optatum detulit in por-
tum. Illa, quæ ILLVSTRISS: Tuæ non absimilem, LIPSCIA-
NAM sarissam, ad supremi detulit Præfulatūs metā, penē
prius, quā hoc intenta neruo prouisset. Tva in cursu Sa-
gitta est. Annuite votis Superi.

PRO-



PROPEMPTICON
DZIALINIÆ SAGITTÆ

Gemini Antistitii Scopum feliciter tangentis.



STRÆOS dominata super, quæ sidera, Fratres
Estis io, & circum rutilis errantia cyclis
Noctiuagumq; iubar roseis iaculantia sertis,
Occiduo refugum geminatis lumine solem,
Pandite cælestes, prælagæ lampadis ignes.
Affinemq; facem sacro submittite telo.
Februus aspirat vestros non arcus honores
Nec qui falciferis, Crocon animalia, telis
Induit, audaces cumulus Latoides aras,
Vel cerussato ludens in corpore Chiron.

Arcus at, Augusto, Mitra sublimis, honore,
Præfuleæ, seruans constantia tempora, frontis
DZIALINIO natiua, creat quem robore virtus,
Ingreditur vestros lato mucrone triones.

Nec trepidate pij: non quos Titania pubes,
Viribus imprensus quondam cõnixa lacertos,
Ausa Gygantæo, Cælum miscere tumultu,
Sustulit, æterno nomen paritura triumpho
Explorant cæleste iubar: Bullonia quali
Diuinatricem, confixit cuspide, prædam
Dextera decidos, æterni Numinis, ignes
Prona petit, solumq; poli tutatur honorem
Quas orbi tenebras, caligantemq; Senatum

Tena

Tænarus inuexit : quæq; eluctantia cæcâ
Nocte Erebi, sacris glomerat feralia tectis
Monstra, ferit Præsul, sanctoq; ex æstuat igni.
Lerna, laborantē lymphato vulnere mundū,
Atq; Medusæo, laceratum viribus, æstro,
Quin stygiū infida redolentem dote cadauer,
Asperat, æguineis perquā truculenta corymbis
Telipotente manu transfixo vertice nutat.
Quodq; superbifico collum temone regebat,
In tumidos flectens, sinuoso margine gyros
Depressum tacito, vix serpentisat, in orbe.

Discit Præsuleam, nascentis arundinis, Harpen
In sua contortam vernare sepulchra, sacroq;
Telo, vipereæ metam defigere fraudis

Et qui mille dolos, technas qui mille retexens,
Pellem compositis qui guttis fuscet amicum;
Dum ceruicato nuper terrore verendus,
Liba Charistiaci, celeberrima, pignore farris,
Oris viperei sceleroso felle venenans,
Marmoreasq; palam tesquis complectier aras
Certus, spelæum profugus remeare paternum
Cogitur; & tenero quamuis concedere laurū
Telo; nec trifido linguam vibrare latratu,
Nec coniuratis multum confidere telis.

Percitus ille fero, liuentis turbinis æstro,
Augustæ contra Matris iurarat honorem,
Audaci glomerans Phlegreæ Dite vocatam
Tisiphonem voto, anguineos in crinib⁹ orbes
Impexam, & taciti lymphatâ fraude doloris.

Vt stygiâ comitante Deâ, Phlægrâq; fauente
Oppositis castris, sociisq; iuuantibus hydri,
Aspexit sacram stellatæ Virginis ædem,
Tænarijs bullit mox obuallare Magistris.

Quemq; dedit calicis, Babylon rabiosa, furorem,
Instillare iubet: dubiæ contagia plebi.

Utq; semel sceleri via contigit, aula tyrannis
Sacrilegas temerare manus, innoxia tristi
Pulsa domo Pietas gemit: tunc aduena, cæco
Barbaries illapsa gradu, vestigia firmat,
Indigenamq; premens: lucem fastidit aurorū.

Mox quæ pestiferis dudum latuere sub antris,
Nam circumfusæ cingebant vndiq; rupes,
Inq; laborantes vano conamine dextras,
Desuper immensâ, pondus, tellure, lababat;
Extollunt fatale caput letalia monstra.

Tantaleas experta dapes, furuo agmine cunctis
Anteuolat, non vnquam opibus saturata cupido,
Quasq; recondiderat, sacrisq; aduexerat aris,
Rellegi o, multos Patrum, inconcussa, per annos,
Surripiuntur opes; venum sacraria fecit,
Auri haud sacra fames: diuo suffusa liquore
Vulturias quantum rubuere toreumata, palmas
Quantum inuafores agri expauere colonos.
Ponè subit vicibus dubiis, passimq; recurſat
Plebæum vulgus, iam ceruicosa potestas
Nec satis ipse sibi, mutatis vultibus, error
Cognit, & ludens dubio impostura refluxu,
Inq; suas iurans periura licentia leges,
Aduchitur lateri: ruit ignorantia præceps,
Et malè possessa diducit in æde lacunam.

Heu Pietas! heu prisca fides! quam lumina obortis
Irroras lachrimis, quam non festina queredo
Auxilia imploras: iam lamentabile cursu
Præcipiti, soles numerans allabitur æuum,
Et tamen in crudo marces squallore sepulta,
Partheniaq; effrons dominatur transfuga in aula.

Quin

Quin oculos hac parte letas, quâ cæliger arcus
Excutit ardentem flammâ meliore sagittam;
Illa volat quæritq; nefas transfigere ferro
Vindice, & obuersos astris recludere postes.
Diua faue, quæ prima potens hac æde stetisti
Præfulis infestam monstris bene dirige dextram,
Et fuligineos procul amolire, cerastas:

Vosq; pij Diuum procures, quos orsa nefasto
Funestare ausu impietas, sublimibus ima
Miscuit: alternans cerebroſæ somnia mentis:
Quos saturata odiis & multo sanguine turgens
Sedibus antiquis, furibunda rebellio, mouit;
Supplicibus votis, sancto aspirate labori.

Cuius Apostolicos ambit venerata penates
Orbe super dominata nouo, bellacibus armis
Neptuno Cereriq; minax Hispania, tandem
Diue redux, sacri comple penetralia templi,
Prodigiale notans cælesti fulmine monstrum.
Et qui cōplicitibus sædantem germina squammis
Immani populos cum depopulatur, hiatu,
Ocyus & cauris, gelido & torrentiùs imbre,
Fixum non dubia superasti cæde draconem;
Instrue DZIALINIAM, ferro victrice, sarissam;
Sic Erebo, sic illa grauis larualibus umbris
Incubet, & stygias Coelo discriminet auras,
Non illam liuor, non illam impune lacescant,
Errantes, noctis famuli: fastigia Diti
Quæ, populatrices veri, posuere cateruæ,
Diruat, hostilesq; operas vertiginet orco.

Ecce autè celebri discurrens prodroma pompa,
Missa Sagitta volat, Culmæ præsigne Cacumen,
In radium euibrata petens, solisq; nitori
Aemula, DZIALINIO, clarescit coelit, igne.

E

Hinc

Hinc resplendet, ouans, geminis Ecclesia mitris,
Et Capiti sacro meritos gratatur Honores:
Hinc effusa suis exvndat sedibus, ostro
Conspicua, & multo comitum spectabilis auctu
Nobilitas, certatq; piam contingere dextram.
Qualis vbi Oceanus studio perfunctus Apollo
Auricomis iter urget equis: non sylua viroris
Integumenta fouet, quæ nox spatiosa per orbem.
Induerat cæca quatiens caligine mundum;
Non volucres tenuere sonum, sed perstrepsit auctum
Voce nemus, certant blandam impertire salutem
Debellatori noctis: non campus odori
Temperat, inclusam folijs exporrigit Hyblam.
Prætorum turgescit honos: hac lilia candent
Parte, aliâ innato, rosa circumcincta, rubore
Purpurat, & subitis clamas note Hia figuris
Victima lusoris disci: vox gramine prono
Soluitur, & linguas plures dolor vnus inanit:
Nec Narcissus abest vitreis malè perditus vndis,
Quando reperiussæ delusus imagine formæ
Languit, & croceum retulit pro corpore florem.
Luxuriat circum foliis ignobile vulgus,
Et picturatos Cereris glomeratur in artus,
Sic vbi DZIALINIO radiavit Mitra decore,
Obuia stipatis procedit turba manipulis,
Acceleratq; oculos, sacro defigere vultu:
Nec populi numerum belli discordia nutrix
Dissipat: ex æquo votorum summa benignis
Queritur ordinibus: fausto præit ore Senator.,
Adstipulatur eques, cæsusq; admurmurat omnis,
Augustam Cleri speciem, prænobile templum.
Explicat, & parili coalescit gratia plausu.
Iamq; volant mistæq; viris, matresq; nurusq;

Et con-

Et consanguineo firmatum agnomine robur
 Spirat in exhaustas, generoso pectore, dotes.
 Et quamuis alios felix Gradius adæquet,
 Orbis victorum studijs: Prudentia multos
 Inferat æternis, pennâ prædiuite, fastis.
 Forma alios, doctæq; vndans opulentia linguæ;
 Cuius ab excelsis solidescit sensibus orbis
 Sarmaticus, Patriæq; salus: non vlla moratur
 Turba viros: Præsul cunctis spectabilis vnus
 Famâ maior adest, aderat qui mentibus olim,
 Inq; oculis hominum sensu potiore triumphat.
 Cuncti animis votisq; fauent, nec dignius vnquam
 Sæcula retro legens meminit se Culma locutam.
 Publica nec satis est animo depromere sensa,
 Quâ se cunq; tulit bellando Sarmata victor,
 Laudibus accumulans laudes, suspiria læto
 Non nemo de corde trahens: in sera querelas
 Stamina Parcarum iactat. maturius, ô si!
 Faustum Præsuleæ Caput affulxisse tiaræ
 DZIALINII dextro vidisses omine Culma.
 Non tot pallantum vis impunita luporum
 Creuisset gregibus, rictu nocitura cruento:
 Nec styx tam crebâ signasset grandine prædam.
 Vix dum prima sui iecit rudimenta laboris,
 Et pastoritiâ cepit florescere virgâ,
 Iam senycticorax ruris penetralibus vltra
 Credere non audet, totamq; vlulatibus urbem
 Complet, multa querens: intabescitq; dolendo.
 Ecce supercilij frontosâ mole minaces
 Impia qui nuper rôstra impleuere tonando,
 Iam trepidant humiles, toruoq; exanguia vultu
 Lumina vix tollunt, rabidis vox faucibus hæsit.
 Scilicet est sacro, mystæ non degener, ausu

Martia, natiuo quæ virtus floruit arcu;
Et quod Prusiacis læti gaudemus in oris,
Æternâ fixum nomen sobolescere lauro:
Mitrata inuicto radians splendore Tiaræ,
Altius Arctoi protensum culmine cæli,
Ibit ad Empyreum, sociâ virtute, trophæum.

Sic placitum Superis. lenti procedite soles,
Astrisq; immensum transcribite Præsulis æuum.

Talia dum iusto laudum certamine promit
Accliuus Clero populus, iam Dâphnide largâ
Ferratus sobolescit apex, studiumque reponit
Martis, & in certum festinant cuncta triumphum.

Tu solus qui flexanimo, prærupta, canore
Saxa moues, saltuq; facis decurrere syluas,
In numerumque cauos librare cacumina montes,
Vlq; tacebis adhuc? non è Parnasside tecto,
Non è Castaliis properabis dona viretis
Phæbe Pater? nunquam sinuosis orbibus arcum
Depositum, & pharetras lunato Cynthia neruo,
Quas non erranti iaculatur dextera telo,
Iunge cheli, fidibusque piam modulare Sagittam.

Quin & Pieriis Chiron gratissime Diuis,
Incinerata, sacro studio, post fata, Deorum,
Quem paribus studiis, Cæli dignantur honore;
Fautrices accerse Deas, vt Pneumate Vatum
Aspirent, & digna creent encomia gestis.

Fallor, an ipsa lyram vota vrgent, suavius ecce
Tinniit orsa melos, demulsus gestiit aër.



ODE

O D E.

I præpes, alma remigio inclyta,
Penna Sagittæ; IDZIAËLYNIVM decus

Per nubium orbes, perge velox
Culmiacæ ad radium tiaræ.

Vrget curulis Romulæ ac pedi
Cimeliarcha; ô! vrget atechnia,
Quam criminis fædi choragus
Gignit hyperboreo Trioni.

Indulget orbi dum facilis DEVS,
Suppurat agris ulceribus lues;

Astræa si nutet, recludit
Mille vias scelerum decarchis.

Vrget patriti gloria nominis,
Inserta biblis non morientibus,

Fastisque; proh, vrget corollâ, &
Daphnide pulcher honos auitâ.

Id Culma simplex sollicito choro
Ambit, dolosis cincta gnathonibus
Nè fors malorum fessa scirpis
Occidat in gremio furentium.

Minax Sagittis Tisiphone horridis,
Dagonq; fastu Callipede ebrius

Curuet genu; & pennæ nitentes
DZIAËLYNIÆ radios adoret

Ceruice pronâ; te Tyrîj ultimi,
Te potus undis Erydani canat

Pugil, canant & qui sonantis
Margine terga lauant Araxis.

J, tange felix noctis atiniam,
Emissa cornu tortilis annuli.

Quem sæpe fors iactum per æthram
Non bene prima tulit fauentem,

F

Hunc orbitæ ad cliuū vehet altera
Labem refundens præterita alee.
Sic vertit in laudem fritillos
Auspicio meliore Numen.

Lustra, gemella lampade Cynthia
Solis micanti quæ quoties suum
Opponit auro aduersa cornu.
Plena redit toties in ortum.

Paucos perenni ludipotens sinu
Lactat fauoris, vel gremio Tyche,
Sed Protei umbellâ vicissim

Ora genasq; premit dolosa
Est tempus, arcta dum Charitum chori
Ciues amoris compede vinciunt,
Est, cum Medusæ sorores

Tristibus exoculant theatris.

Est, cum nitentis casariem coma
Phæbus perungit gurgite Thethios,
Mox luce diues, per coluros

Elisij leuat ora strati.

Quandoq; ficti malea fulguris,
Quandoq; muros buccina territat,

Mox pacis interpres virescit
Compositis animis olina.

Est inuidendas Aligeris domos

Fastidioso qui pede proruat,

Lectisq; mox perenniorem

Ruderibus decoret ruinam.

Non turris undæ celsa Propontidos,

Non montis Hæmi, nonq; Capharei,

Et vento & astro subniuali

Æodio arua carent tumultu.

ꝑ præpes alis, stabra per Africi

Gementis. Eheu quæ noua barbaris

Effusa amaurosis lacunis
 Grandinat, Ausoniaſq; latè
 Leges, mitraſq; & pegmata Regia
 Sacra, furenti lancinat impetu.
 Impune, prò pudor! verendas
 Effera ſtyx decumet tiaras?
 J, rumpe colles, dirue pectoris
 Molem tumentis, ſterne ſolo Ioues,
 Heu! ſterne Toruni pudendis
 Sacra diu famulata ludis.
 Si fors dicacis turba cymintidis
 Mordaci aceto defricuit genas,
 Scenam orphana nec ſtringe cauſæ
 Materiem tragici cothurni.
 Latrante pugnax Bucephalus cane
 Stat fixus, acres nec tumidus leo
 Obliquat aſpectus, frementes
 Dum rabiem geminant catelli.
 J per Triomum ſuaue peristyllum
 Vias coronans, tectaq; adlores
 Hinc, inde; defer per iugoſi
 Aſtra ſupercilij, Quirinis
 Submiſſa plantis D Z I A E Y N I V M pedū;
 Fer tæniæ quæ dum rutilant face
 Laudis perenni, cæca puro
 Nycteriſ igne oculos focillet,
 Eheu! focillet; grandinis ab ſatis
 Recto polorum: deſine: deſine
 In luce paſtoris, gregem umbra
 Stringere Nyctimenes ſepultum.

ODE.

QUÆ bella? quantis excita iurgis
 Latè fugaces disiciunt metus?
 Chòrdamq; compescunt duello,
 Et docilem remorantur urnum;
 Quà fraude tristis pyralia suscitât
 Bellona Musis horrida? Martiam
 Quo Marte rectam cœlat artem?
 Nec litui sonat ære pugnas.
 Nondum feroces intonuit minas,
 Et iam Sagittam flectit in obuios,
 Pacemq; profligare telis
 Iam præparat, tacitumq; furus
 Præceps doloso construit impetu
 Quis credat armis? quis iaculo nouum
 Opponat iaculis furorem?
 Quis dubio latitantis ira
 Vatem recenti prederet in omine?
 Natusne terris augur, & arbiter,
 Raptusq; sub pigrum Trionem
 Aerias penetrabo nubes?
 Doctus quid acri militia parent
 Parthi seuero conspicui sparo,
 Parmisq; Diæ eisq; longè
 Præcipiti, celeresq; telis.
 Cui durus ausu Sarmata, cui ferus
 Scythæ propinet vulnera, non satis
 Expertus effari, nouasq;
 In modulo referare pugnas.
 Est qui canoram nuper idoneus
 Chelin sonabat, Mæoniis sacer
 Apollo Musis, ille vates
 Ominis ille noui patrator.
 En iam minacem pro cythara petit
 Bellator arcum, iam propriis parat.
 Arcuq; lethaliq; rectam
 In iaculo reuocare sortem.

per-

I, pertinaces comprime spiritus,
 Noscant rebelles dextraq; pernix
 Doctum Sagittarum parentem,
 Noscat atrox Tua tela probrum.
 Deponat actam sub duce lauream,
 Quisquis cruento corde remugit,
 Et qui reluctantes vomebat
 Ore globos, calidasq; rixas.
 Heu quanta viētis vis mala germinat
 Portenta; quantos in medijs ciet
 Fibris calentes Martis astus!
 Incubat his glacialis horror.
 Hos signat atrā pallor imagine,
 His dextra nutat, iam titubant pedes,
 Erratq; per ventos arundo,
 Perniciemq; sibi minatur.
 Sic sic, malignum, quisquis in obuia
 DZIAEYNI audet spicula, spiculum
 Torquere, telis ipse iactis
 Occidens dabit arma noxa.
 Frustra Sagittam, quae stetit annulo
 Defixa, vindex noxius aucupat,
 Et per reluctantes procellas
 Saucius insequitur curuli.
 Frustra, sodali munere siderum,
 Ornata magni stemmata Praesulis,
 Toruq;, crudeliq; semper
 Fæda supercilio tuentur,
 Iurata Diti pectora, stridulos
 Frustra reclamant Martis anhelitus,
 Raucumq; frendens trux Erynnis,
 Excreat heu malosana tussim.
 In filiorum dedecus, impotens
 Tantos supinis tollere brachijs
 lētus, nec intortum profanis
 Ferre potens iaculum lacertis.
 Hæc illa certi spicula Ionathæ,
 Nunquam retorta nube superuolant,
 Quin missa deviant in hostem,
 Et medijs sua castra castris

Metantur, acri cuspide diruunt
 Fossas latentes; mox fera palpitant
 Immurmurantium corda, vasto
 Viscera concutiuntur aestu;
 O Phæbe! nostri præsidium soli,
 Absiste telis, iam timor exulat,
 Iam sæua Musarum pericla
 Præsulis occubere telo.
 Postpone curas, quin magè barbiton
 Claram sonoro perficiat diem,
 Plectro, triumphatamq; victis
 Ingeminet Tua Musa pacem.
 Pacem serenis auribus intonent,
 Pacem pharetræ: vosq; superstites
 DZIALYNIAE votis citatæ
 Ite gradu celeri SAGITTÆ.

Ite perennantes: Superi adsunt: Ite Sagittæ,
 Sepositaq; procul Gradiui è casside pennæ,
 Præfuleas laudes sacro instaurate theatro.
 Fausta superueniat trabeatæ laurea Mitræ,
 Inq; pijs salibus non iniucunda triumphet.

Zischa cum ante oppidum cui Rabbi nomen est conuocatis fratribus Thaboritis & Orebitis
 (Hæreticis) castra teneret: obsessosq; summâ vi oppugnaret; oculum, quo vno lumen Ca-
 li videbat, Sagittâ confossus, amisit. Æn: Sylu: Histor: Bœm: Cap: 44.

Et TVA Antistes ILLVSTR: Sagitta Pari omine tēdit.

Heluo Christiadum profusi Zischa cruoris
 Dum rabidâ innocuos obsidione premit,
 Vrbe Sagitta volans Rabbi: bene consona voci,
 Erudit Hussiacum cæca docere Ducem.
 Qui malè Cimmerijs furis occæcatus in vmbriis,
 Heûs fuge DZIALINIÂ telâ vibrata manu.
 Si Polyphemæo te cæcutire sub antro
 Ambigis, à certo vulnere dogma feres.

Sunt qui telum in Sagittæ cuspidem ita † figuratum damnationis signum esse autumant: ad
 explodendum summouendumq; aliquod ineptè dictum in scriptis. Pier: Hierogl: Lib: 42.
 Cap: 18. At quid Hæresarcharum somnijs, quæ in effata transferre satagunt tenebriones
 magistelli, vsipiam ineptius?

Hos

Hos merito' damnat Sacra Sagitta logos.

Quæ calami exsiccis dat spongia puncta lituris,
Postquam illi steriles incubuere semel.
Hæc malè proiectis veniunt in codice verbis,
Cum venit à docta, tensa Sagitta manu.
Præfuleam sed enim magis exhorresce Sagittam,
Cum manat stygio littera fusa lacu,
Sic mala configet verborum elementa cicatrix
Auctorem ut pariter fronte carere notet.

*Godefridus Bullionius 1. Hierosolymorum Rex eam urbem obsidens tres ardeas vno sagittæ
ictu confixit. Claud: Paradis: è Emonumen Lotharing.*

Fatalis pluribus hæc est

Nubiugas plumata cohors dum firmata penne
Explicat, atq; alæ remige inanè secat,
Eximia cupidam Bullonius arte sagittam
Vibrans, vno tres impete figit aues.
Hæresis ô quantum Lechicis sub nubibus agmen
Remigat! heu Mystæ curte Sagitta celer.
Curre, petes felix non tres, sed mille volucres,
Nam cæcas omnes, credito nycterides.

*Georgius Castriotus Scanderbechus Epirotarum Princeps, ensẽ dextro brachio innatum ha-
buit: Turcarum variis conflictibus vno gladio quatuor millia cecidit. Marian: Barles:
in eius vita.*

Æquè hoc penetrabile ferrum.

Natum humero gladium quem Scanderbechus habebat,
Pectoris inuicti nobile stemma tulit.
Turcarum quater hoc perire ab acinace mille,
Epiri armatas dum populantur opes.
Dzialinio at natam dum sanguine conspicis Harpen,
Hæresis, æternum funeris omen habe.

*Alcon Cretensis cum filium eius rapuisset draco, tant à arte sagittam direxit, ut, illo fi-
lio, draconem ipsum confecerit.*

Nunquam telum istud aberrat.

Strinxerat immanis puerilia colla Ceraſtes,
 Aduerſo ignitas ore vibrando ſpathas.
 Præpes ab impauido cõntorta Alcone ſagitta,
 Illæſo nato, permeat exta feræ.
 At quanto origenas melius Dzialinia venas
 Cuspis, & obiectos tangere gnara ſcopos.
 Si quem anguis ſtygius tereti circumplicet orbe,
 An non mox ſanguis, ſi hæc ferit, anguis erit?

Plutonem ab Hercule cor ſagittâ tranſfixum fuiſſe tradit Pier: lib: 42. c. 8.

Sic à Præſulea Pluto gemis icte Sagitta.

Saucius Herculeis Pluto ſub corde ſagittis,
 Lernæo immerſit terga toroſa vado.
 Poſtibus & quamuis fuerit vallatus ahenis,
 Tranſiit æratas iacta ſagitta fores.
 At tu Trinacrias liparis quæcunq; cauernas
 Incolis, & piceos ſæue chelydre toros,
 Pro telo Herculeo, Myſtæ maculare telo,
 Si baculum effugies, non iaculum effugies.

Epharetrâ ſacroq; penû conſpiret in ynam regionem
 Telorum reuoluta ſeges flagrantius hydram
 Nêue per enatos conſoſſa repullulet artus
 Flammea vis Cælo domet exitiale venenum.
 Inq; ſuos ortus feſtinans deſpluat orco.

Sagitta ſalutis Domini. 4 Reg: cap: 13

Altiuolæ quorſum declinas lumina pennæ
 Auſonio pridem turba ſubacta pedo?
 Non bilem in tumidas egurgitat illa procellas,
 Irarum terricas igniculatq; faces:
 Non tragico geſtit ludo, ſcenaq; Perylli,
 Aut mæſtum capulis funus anhelâ trahit.
 Vni Mythologo portendit fata bilingui,
 Ad prodromam nobis ſignat in aſtra viam.

Sagittas ſuas ardentibus effecit. Pſal: 7.

Vidiſti ignem tum flammare ſub æthere telum,
 Gentis DZIALINI æ nobile ſtemma vides.

Præſul

Præful in hoc Latium Diuino inflammat amore,
Certa sed in profugâ busta phalange creat.

Misit Sagittas suas & dissipauit eos. *Psal. 17.*

Quæ noua Sarmaticis attollit Hyæna lacunis
Cristas, & piceos fulminat ore globos?
Quis Diomedæum sinuosis cornibus agmen
Ludio, per sacros ludere cogit agros?
Heu rue DZIALINIIS suffulta Falarica pennis,
Fuscum nyctimenes pelle Sagitta gregem.
Cum tot lucifugos cineraueris ante ceraitas,
Facta, an missa adlis cælitus, in dubio est.

Vide arcum, & benedic eum qui fecit illum
Ecclesi. 43.

Qui Sacro erumpens telum specularis ab arcu,
Ad tumuli prædas hoc reuocare caue.
Qualis ab ætherio, cum mille coloribus halat,
Talis Præfulco pax ab honore venit.

Sagittæ paruulorum factæ sunt plagæ eorum.
Psal. 61.

Quis furor anguineos hydram collotenus armos
Exerere, & tragicis semper hiare rubis?
Forfan tergeminum terebrari Præfulis Hastâ
Obstetrice putas non potuisse Caput?
Pone supercilium, & pulmonis rumpito fastum;
Pappa minutum, non missile torua geris.
Non opus hic teretes gyros componere: nomen
DZIALINIVM, infelix tartaro in omen erit.

Quasi arcus refulgens inter nebulas gloriæ. *Ecclesi. 5.*

Indigitare Sacrum certant Tua stemmata munus,
Quod pastoritiâ sedulus arte colis.
Arcus lunatum MITRÆ depingit honorem,
Virtutem Superis monstrat arundo parem.

H

Æter-

Æternus Sancti meta laboris honor.

Culmenses nuper Dzialyno missa per agros,
Errabat certum docta Sagitta Scopum.
Occurrunt Charites, metam intentare paratæ:
Annulum, ait Virtus, induat illa meum:
Instat Nobilitas proprium obuersura Sagittæ
Annulus hem noster, tertius inquit honor.
Vt tandem dubios Mauors componeret ausus,
Illustri ter, ait, teneat mea Tela Scopo.

Metam conatus noster attingit Illustriss. & Reuerendissime Domine non laudes Tuæ: vilium quippe est Animarum in stadio gloriæ metam inuenire facile posse. DZIALINIVS
Sagitti potens cum infinita virtutum, gloriæ, honoris spatia decurrerit, attinget
vltimam nondum
metam.



BIBLIOTH. UNIV.



Biblioteka Jagiellońska



stdr0026734

